

全唐文

201704

201704

201704

20170 2 201704

201704

金唐大

金唐大

金唐大

金唐大

金唐大

欽定全唐文卷三百五十五目錄

蕭昕

總章右个賦

上林白鹿賦


仲冬時令賦

鄉飲賦

對元日奏事上殿不脫劍履判

對燕弓矢舞判

夏日送桂州刺史邢中丞赴任序



唐銀青光祿大夫嶺南五府節度經畧採訪處置
等使攝御史中丞賜紫金魚袋殿中監南康縣
開國伯贈揚州大都督長史張公神道碑

元獻皇太后哀冊文

昭靖太子哀冊文

王翰

對兩貫判

崔曙

瓢賦

趙匡

舉選議

舉選後論

春秋闡微纂類義統自述

常從心

對持論攻擊判

懷素詩文舉例

常山詩

春林聞鶯集賤美集自註

舉數詩論

舉數詩

散詩

欽定全唐文卷三百五十五

蕭昕

昕字中明河南人少舉崇文進士再中博學宏詞科累遷
左拾遺哥舒翰爲副元帥辟掌書記翰敗入蜀累遷祕書
監代宗幸陝轉國子祭酒大厯初轉工部尚書封晉陵侯
德宗幸奉天遷太子少傅爵郡公兼禮部尚書以太子少
師致仕貞元七年卒年九十三贈揚州大都督諡曰懿

總章右个賦

以氣變銅渾灰
移玉管爲韻

大君嚮明神道設位恢三皇之軌物張五帝之經緯居皇

極以體尊配昇平而作諡上棟下宇圖出震之垂功崑崙
辟雍模大壯之成器分五行以配德合四時而導氣審圓
象以規天揆方儀而法地因節候之開闢得陰陽之奧祕
不然何以審寶位之尊彰后王之貴者也夫其體物辨方
因宜制變壯雲構之直聳屬星躔而右轉玉露朝落金風
夕扇收帝藉於西成誓武人於南面然後緝以衆政休茲
百工草黃月季虛正昏中釋菜吹豳命樂人而萬舞斬牲
示戮習軍威於五戎旣依方以服玉遂候呂以吹銅徒觀
其在陽體尊規模所存取閔寒暑以法乾坤環沔彼之流

水設有閼之高門布政居方順時開闔乞言講德肆志討論宣八風而配律齊七政以同渾爾其大禮盡設明堂洞開興亡之迹厥德不回見周公之負宸看紂王之罹災設殷監於既往垂大軌於將來邃宇九房採唐堯之茅屋神階十二懲夏癸之瑤臺故當勤求庶政想望英才不爾何勞謙於旻日而旋幹於飛灰旣而四方述職九品陳儀禮有攸敘政無不施發聲明於風動趨劍履而星移道敷鷺鷥兆合熊羆永恭已而南面故垂拱而無爲非斯宇以攸贊亦何取於成規是月也天子禮神祇展牲玉感物增思

虔心以勗既嘗稻以薦犬亦趨刑而斷獄明大閱以講威
訓羣騶而撫俗別有粉署承風金門獻款念無媒以贈策
謬談天於窺管

上林白鹿賦

以君德至天珍
物充圃爲韻

大哉聖德望之如雲範圍期廣動植惟分匪狙獷之獠狔
將煦育於氤氲伊生靈之遂性實咸若於吾君爲白鹿之
呈瑞時或友而或羣夫其充牣禁苑喜樂王國庇豐草而
擇陰感食苹而懷德奮角觝以共觝粲圭璋而混色將攸
處以寢興非挺走而畏逼旣而濯濯不羣呦呦慕類狎威

鳳以來格侶騶虞而必萃笑元豹以深藏哂飛黃而遠致
貞姿麇麇若皓鶴之羣驚逸足駸駸齊素輦而麋至然後
飲刷銅沼咆哮瓊田忽往顧以騰倚時決驟以周旋分形
雪散曳影霜懸豈有虞之可即將不羈於永年嘉貞祥之
盱眙知君德之居天大矣哉固當不愛其道不藏其珍我
澤如浸我惠如春矧微貺之不腆豈足彰乎至仁者哉伊
茲獸之匪陋亦大塊之品物感淳和之相甄會禎祥之駿
發將因質以受彩豈不緇而自伐與芻狗之陶甄光圖牒
之翦拂泱泱大風盛德惟克嗟不識之狂簡願賡歌於帝

功歌曰德由庚兮羣物湊協嘉祥兮擾靈獸感訢合於天
符遂充塞於君囿

仲冬時令賦

以題
爲韻

歲杪星窮時臨月仲元冥氣肅黃鐘律中北陸陰凝西成
物眾觀四郊而息老朝萬國而來貢於是皇乃親帥百
辟觀隙三農整六軍以耀武肆大閱於仲冬然後乃卽太
廟建元旗事神率禮撫俗觀詩斥聲色以不御守和平而
自持山澤從宜候飛霜而校獵川源有秩因涸凍而沈祠
謹門閭而守法慎蓋藏以應期斬木陽崖采周官於是月

藏冰陰室詠豳詩於此時然後受計郡國大頒錫命祭必
先賢室惟行慶駕鐵驪以軌物居元堂而布政因宜制變
必酌於古文授時鄉方乃行乎夏令爾其謀猷克臧備物
必具飭王政之禮戒土功之務天地既貞陰陽乃裕苟愆
伏之必節豈雪霜之是遇故當北辰正而衆星拱東海深
而百川赴既一人而作哲惟四方之所注撫空懷以自憐
媿揚雄之作賦

鄉飲賦

鄉飲之制本於酒食形於樽俎和其長幼洽其宴語象以

陰陽重以賓旅此六體者禮之大序至如高館初啟長筵
初肆眾賓辟旋而入門主人稽首而再至則三揖以成禮
三讓以就位貴賤不共其班少長各以其次然後肴栗具
設酒醴畢備鼙鼓遞奏工歌咸萃以德自持終無至醉夫
觀其拜迎拜送則人知其潔敬察其尊賢尚齒則我欲其
無競君若好之實曰邦家之慶士能勤之必著鄉曲之行
今國家徵孝秀辟賢良則必設鄉飲之禮歌鹿鳴之章故
其事可得而詳立賓立主或陞或堂列豆舉爵鼓瑟吹簫
動而敬居則莊百拜乃畢用賓於王禮主於敬樂主於同

明士苟習於禮樂則可招賁於旌弓庶其緝熙聖迹宣暢
皇風豈徒務燕謔而湛樂之是崇

對元日奏事上殿不脫劍履判

夷夏一體正朔同班車服旌旗光分五第聲明文物照臨
百官國家庶績其凝四聰咸達九重清問每降於絲綸萬
人自奏方聞於復逆景以位階丹陛得奏青蒲竹帛未書
旣非子孟之錫劍履不脫須寘良夫之刑且道在守官物
惟藏禮夫子相衛先在於正名謝息守邸無聞於假器旣
紊彝典須寘嚴科

對燕弓矢舞判

燕師國子以弓矢舞樂師巡列將撻之曰眡瞭

詔來瞽臯

選勞策勲辨樂論德師曠侍晉知崇侑食之儀士丐平生
頗識蒸餽之禮於是小臣戒備大師辨章笙入懸間歌升
堂上禮亦異數旣加籩而稱節樂其無算方及旅而揚觥
率禮未見陳弓搢扑固宜行撻國子以行能不著版籍徒
編乏周瑜之聽音同孔張之失位使仲尼忘味不及在齊
吳札觀風還同自鄆舞師見察而不迷於樂章瞽人妄告

請無廢於杜舉

夏日送桂州刺史邢中丞赴任序

桂林巨鎮臨川荒服居五嶺之表控兩越之郊俗比華風
化同內地然而洞居砦止人好阻兵有殊貨重褻吏無廉
政選其任者實難其才故郡久曠官朝思稱職以腹心之
寄輟爪牙之雄俾其澄清行獨坐之事俾其式遏總防禦
之權惟帝知人佇報尤政五月維夏畏途萬里溽暑方起
火雲始生履蒼梧瘴癘之郊涉沅湘風濤之壯眾悅是舉
而傷此行公陳力滅私飲冰徇節以忠則九折之途可叱